

Kii-kendaan na?

- Gchi-dbaakgonige-gamig gii-shki-nmodibiwag maaba Mnidoo-giizis mdaaswi-si-niishwaaswi, ngoding-mdaaswaag-shi-nswaaswi-shi-niishwaaswi-midana- shi-ngodwaaswi bboongak, gaawin dash wii-go pii gego gii-tesinoo iw-pii vaa-noondimowaad. Pii gaa-ni-aawaang naasaab iw bboongak Poopooigime-giizong, mii-pii gii-shki-ntam noondaamowaad gego gaa-zhiwebak shki-ntam. Gii-nmodibiwag ngo-aname-giizhigad aw pii Waabigoni-giizis gye dash pii gii-giishtoonaawaa nswi gaa-zhiseg gego. Mii dash pii miinwaa gaa-ni-aawaang Mnidoo-giizis, mii dash go moshkin gii-aaninig wii-eyaamiwaad waa-zhidjigewaad.

- Aw Governor General ezhinikaazod giish pin nbod, maage shki-te'maasig, maage ni eyaasig maan pii enjibaad ooshime ni-aawaaninig ngod-giizis, aw Gimaa Justice, maage giish pin dawesing, aw memorji siigizid Dbaakgonige-nini memorji spigaabiwed dbaakgoniged, mii aw ge ni aawed ge-ni-nokiitaadaang Canada miinwaa mii aw ge-ni- mibideton kino ge-eyaang mshkoziwin miinwaa ge-ni-naagkiitang enkiit aw Governor General.

- Dbaakgonige-ninwag nagimaawag Governor in Council. Pii nash niizhwaasi-midana ni piitiziwaag da ni mnji-gonaanaawaa enaagzhe'aad.

- Iw ziingak sin eteg jiigaaying dbaakgoni-gamig mii pii gaa-zhibiigaadeg Nmebine-giizisong mdaaswi-shi-zhaangswi nsoginogizid, ngoding-mdaaswaak-shi-zhaangswaak-shi-nswi-shi-zhaangswi, miinwaa dash King Georgeba VI gii-toonaaba iw zhiwe. Iw dash Queen Zaaben gii-toonaaba iw sin megwa epiidji eyaad aw Gchi-gimaa, miinwaa wiidigemaagenan, iw pii Nmebine-giizisong niizhtana-sa-nagozod, ngoding-mdaaswaak-shi-zhaangswaak-shi-nswi-shi-zhaangswi.

- Niizh tenoon kewnan niigaan zhiwe Memoonji Supreme Dbaakgonige-gamigoong. Iw Canadian kewen giiwedoong nekeyaa enso giizhigak bingaadeg. Ne'en dash aanind kewnan mbaasnoon pii eta dbaakgonigeng teg.

- Niizh maage nso-zid piidizid iw ekii'aazo mziniins gii-bingaazoba zhiwe kwaadwaagining Supreme gchi-dbaakgonige-gamigoong. Nandan nokiwnan gii-maajtaabaning ngoding-mdaaswaak-shi-zhaangswaak-shi-niizhtana gii-zhidgaadebaniin wii-minaajin iw Gimaa Edward VII, gii-zagnaa'aabaniin dash pii nash gii-giizhtooowaad. Gaa-dash wii-kaa gii-ni-mnaajaasii miinwaa gii-giizhitaasiwig aw King Edward VII wii-mnaajin. Toronto gaa-zhitood mzinbiige-nini Walter S.Allward, Juticia (JUSTICE) miinwaa VERITAS (TRUTH) (Debwewin) gaa-wiin wiikaa gii-nenjigaadesoon naan-midana-sa-boong minik. Aw pii Ngoding-mdaaswaak-shi-zhaangswaak-shi-ngodwaasi-midana-shi-zhaangswi gii-mkaanaa'aan mkakoon ngo'gaadeg nam-kimig dbaanag chigaaswaad. Noongwa dash gii-bingaaswebiing zhiwe gii-biwaad aw pii ngoding-mdaaswaak-shi-zhaangswi-shi-niizhwaaswi midana.

- Giw dbaakgonige-ninwag biiskaanaa'aan mskokinii'aawag bangii waapshki-zhaangwesh biivaaan goojin eta teg gego zhiwebak maage pii shki-biiskaanaa'aad shki'iin « Justice » maage gindaamowaad gego giigdoowin binjibideg odi « Throne » ezhininkaadeg.



A aniish ge zhi-goondaaba iw Supreme Dbaakgonigewin-zhanda zhibiigaadenoong gezhidoowaabdamba ge zhidchgeba. Kino zhibiigaade ge zhiqwediwenba aapiish nanda teg.

Internet site:
www.scc-csc.gc.ca

GENERAL INQUIRIES
E-mail:
reception@scc-csc.gc.ca

Telephone:
(613) 995-4330
1-888-551-1185

Mailing Address:
The Supreme Court of Canada
301 Wellington Street
Ottawa, Ontario K1A 0J1

TOUR INFORMATION OR RESERVATIONS
E-mail:
tour@scc-csc.gc.ca

Telephone:
(613) 995-5361
1-866-360-1522

Gchi-dbaakgonige-gamig of Canada





Gaa-bi-zhiwebakibaa

Iw Memoonji Mshkoziid dbaakgonige-gamig of Canada gii-zhidtoonaaba ezhinikaadeg « Act of Parliament aw pii ngoding-mdaaswaak-shi-nswaashwi-shi-niizhwaaswi-shi-naanan, geweding dbaakgonige wii-wiikjitoong kina eko-naabiing maage eko-waabjigeng.

Niibino nso-bboon, iw dbaakgonigewin giizhendaamowin danda-dwendaagod Judicial Committee Privy Council odi England gchi-gaaming. Maanda dbendaaswin gii-webnaanaa'aa pii ngoding-mdaaswaak-shi-zhaangswi-shi-niwin-shi-zhaangswi. Dbaakgonigewin noongwa mii maanda Canada enkaazwaad wii-ndawendaagewaad.

Maanda dbaakgonigewin gii-binji-baamgad chief justice miinwa naanan giwi shki-dbaakgonigeyag maage wijji-dbaakgonigenwan. Iw pii ngoding-mdaaswaak-shi-zhaangswi-niizhtana-shi-niizhwaaswi, giw dbaakgonige-ninwag niizhwaaswi gii-ni-aawag. Iw dash pii ngoding mdaaswaak-si-zhaangswi-shi-nii'o-mdana-shi-zhaangswi, pii ningonaagdoon dash naanda wii-jitoong Judicial Committee, zhangswi mii dash noongwa aawaad minik. Wijji dbaakgonigewin, nswi dbaakgonige-ninwag aabideg Quebec da-nagmaa'aa. Nswi dash wii go nagimaawag maan pii Ontario-ying, niizh dash epangishmog nekeyaa miinwaa dash waabnong nekeyaa bezhig nagmogaazwag.

Giw dbaakgonige-ninwag gii-noondaanaa'aa ezhiwebzid gwaya odi gindaaso-aachkinganing naangodnong gii-daangewag Parliament. Ngoding mdaaswak-zhi-nshwaaswi-nshwaaswi-shi-nshwaaswi-shi-niizh dbaakgonigewin gii-aanjiwag odi egaaching odi enji zidaawid aw Parliament gidaakiwang, zhaazhi dash gii-ngwanaagod maanda. Gii-naagsidjigaadeba maanda, gii-maajtaabaniig zhigewaad ngoding mdaaswaak-shi-nsimdana-shi-zhaangswi, gaawii dash wii go aw dbaakgonigewin gii aanjii siiwag baamaa pii ngoding mdaaswaak-shi-nimdana-shi-ngodwaaswi.

Maanda Supreme dbaakgonige-gamig, gii-mzinbiigaadeba aw gaa-mzinbiiged Moonii'yaang gii-binjibaa ezhinikaazod Ernest Cormier. Maanda gii-temigad odi epongishmod odi gchi-dbaakgonige-gamigoong nekeyaa gchi-giizhkadinaag odi nekeyaa Ottawa gchi-booskising. Maanda gamig gii-giizhjigaadeg ngoding mdaaswaak-zhaangswi-mdana-shi-niwin-shi bezhig. Maanda gamig ezhinaagok tegmigad gchi-shkwaadem waan-ji-biingeng, Supreme gchi-dbaakgonige-aajkingan, dbaakgonigewin waa-nji aanskoneyed, waa-nji-giigdoowaad, ekjijig waa-nji-nokiwaad, mzinaganke-gamig, miinwaa dash niizh dbaakgonige-aajkinganan enkaazod aw Federal dbaakgonigewin of Canada.


Dbaakgonigewin eko-kowaabjigaadeg

Iw gchi-mshkoziimigak dbaakgonigewin mii maadaa noo'oonj gego aawang wii-dadiming ezhi-dbaakgonigoong kwediweg. Daa-aanj gnowaabjigaade binjinbideg maanpii « provincial » ezhinikaadeg miinwaa go daa-aanji gnowaabndaanaa'aa ne'en noo'oonj noondaash e'angin dbaakgonige-gamigoon binjibdeg gye naabsaab go Federal dbaakgonigeyin civil, miinwaa gchi-gego eyin ezchigegijig dbaakgonindwaa, « constitutional » miinwa go administrative dbaakgonige-baamsewinan. Ooshime shii go memdige, ekwedwenan dbaakgonige noondaanan giish pin eta miigweng kidwewin ntaam. Dbaakgonigewin miigwen ezhinikaadeg (ndaamingewin wii-aanji kwedweweng) giish pin kwediwewin bmaadzijig zhidchgewad teg maage giish pin gchi-gego aanwaang nji dbaakgonigeng.



Dbaakgonigewin mibideg

Iw gchi-mshkoziid-dbaakgonigewin emodibid odi Ottawa mii aw edinaang ngodwaasmidana kwediwenan mii dash shii geta noondaamowaad ngo-waak aanji-kwediwenan. Aw ekwewedjig da aakgonetaanan nokaazod waabdaazong maamiwe waasmowini-dbaajimowini zhidchjigan giish pin gchi-bigojiiing aawaang. Naanaan go eta eyaawag dbaakgonigewin-ninwag genoodapaniin naanda. Nii-ii dash wiigo, nanda kwediwe'aad niizhwaaswi maage nshwaaswi dbaakgonigewin-ninwag echiwag enoondamonjig nanda. Iw dbaakgonige-giizhendamowan miigwenaa'aaan pii shkwa noondaamowaad, iw dash wiigo aanind ne aanoon dbaakgonige-endaamonan shkwaangaadenoon wii-zhibiimowaad ge dbaakgonige-ninwag. Dbaakgonige-giizhendamowinan niibino ne aanoon maage go gegaa kina ni giizhendamowinan ni aanoon wii-giizhendamowaad pkinaagejigaadeg dash ne'en noondaash nendamowinan.(minority) Ne'en giizhendamowinan miinwaa gegoo aanaangin dbaakgonigewinan ni zhibiigaadenoon miinwaa dash go waasmowining ni tenoon dbaajimowinan ngoji waasmowini-enji maanjisidigoowaad.



Dbaakgonigewin daa'aanaa'aa nswi zhisewin bboong, minookimig miinwaa dgwaagik. Noondaagewin nsaksinon bmaadzijig wii-noondamowaad. Dbaakgonigewin nsaksin Shkwa-aaname-giizhigak pii nash Jiibaatoo-giizhigak zhaangswi-dbaagaaneg pii nash naakweg miinwaa dash go niizha-dbaaganek pii nash nii'o dbaaganek gaawin dash wiigo Miin-giizis, Mnoomini-giizis miinwaa Waabaabagaak-giizis nsagsinoo.



Nbaachigeng dbaakgonigewin

Shki-maadigizod Waabgoni-giizis pii nash Mnoomini-giizis nsimdana-shi-bezhig nso-gonigozod, Memoonji mskozid Supreme dbaakgonige-gamig nsaksin bmaadzijig wii-waabdamowaad pii zhaangswi dbaagineg pii nash naani-dbaagingek enso giizhigak. Giw eshki-biingegijig waa-dbaakgonige-kinoomaagozjig mii ge shkaabewsag ge naadimaagejig wii-oodetooyan zhaanda.

Shki-maadigizod waabaabaga-giizis pii nash nmebine-giizoong nsimdana, bmaadzijig daa'aanaa'aa maanda gamig Shkwaaname-giizhigak pii nash Jiibaatoo-giishgik zhaangswi dbaaganek pii nash naanan dbaaganek miinwaa dash wii naadimaagozjig wii-oodetoong ntaam wiindimaagewin teg. Giish pii baatiniwaad enchiywaad da nbaachiwem wiidimaageyek gii-zhaa mejgo go pii bboong. Giish pin wiigiigdiyan giizhaa wii-wiindimaageyin ndam (1-613-995-5361). Giish pin dash ooshime wii-yaamon kwediwewin maanda waasmoni-giigdoowin www.scc-csc.gc.ca.